



1935

ՀԱՅԵՆ ՀՈՂԺՈՂԿՈՄԱՏ 30-JUL 2010
ԱՆԱՄՆԱՊԱՀԱԿԱՆ ԽՈՐՀՏՆՏԵՍՈՒԹՅՈՒՆՆԵՐԻ ՏՐԵՑ

ՀՐԱՀԱՆՔ
ՀՈՐԹԵՐԻ ՀԻՎԱՆԴՈՒԹՅՈՒՆՆԵՐԻ
ԴԵՄ ՊԱՅՔԱՐԵԼՈՒ ՄԱՍԻՆ

(Հաստատված՝ ԽՍՀՄ Հողօռչկամի տնտեսական ՑԻԼԿՈՑԻ
կողմից 1984 թ. հոկտեմբերի 7-ին).

619
Խ-11

ԳՅՈՒՂՀՐԱՏ

1985

ՑԵՐԵՎԱՆ

10 MAR 2014

619
m-11
պ

ՀՐԱՎԱՆԳ ՀՈՐԹԵՐԻ ՀԻՎԱՆԴՈՒԹՅՈՒՆՆԵՐԻ ԴԵՄ ՊԱՅԲԱՐԵԼՈՒ ՄԱՍԻՆ

Հորթերի հիվանդությունների դեմ պայքարելու հիմնական մեթոդը հանդիսանում է հետեյալ պրոֆիլակտիկ միջոցառումների կիրառումը. խստորեն և սխտեմատիկ կերպով կատարել հորթերի անասնաբուժական-սանիտարական և զոոառողջապահական պահանջները՝ խրնամքի՝ պահպանման և կերակրման գործում, ինչպես նաև լավագույն պայմաններ ստեղծել հորթերի և հղի կովերի համար (ծնելուց առաջ և հետո):

1. ԶՈՈԱՌՈՂՋԱՊԱՀԱԿԱՆ ՄԻՋՈՑԱՌՈՒՄՆԵՐԸ

Զոոառողջապահական միջոցառումներ ասելով հասկանում ենք այն ձեռնարկումները, վորոնք լավագույն պայմաններ են ստեղծում հորթերի զարգացման համար:

1. Յուրաքանչյուր անասնապահական խորհանտեսությունում և կոլտնտեսությունում պետք է կազմակերպվեն հատուկ ծննդաբերական բաժիններ և հորթանոցներ, վորոնք պետք է լիովին ապահովվեն տնտեսության կարիքը և բավարարեն զոոառողջապահական պահանջները (կու-

34044



բառուրա, ողափոխութիւն, լույս, շերմութիւն, և այլն)։

2. Նոր հորթանոցներ, գոմեր և ծննդաբերական բաժիններ կառուցելու զեպքում, անհրաժեշտ ե ընտրել բարձր, չոր տեղեր, փորոնք պաշտպանված լինեն տվյալ շրջանում տիրապետող բամբակերից։

Ծանոթութիւն.— Նկատի ունենալով, փոր փորակը հորթանոցներում ընկնում ե գլխավորապէս կրծի բորբոքումով (մաստիա), աղիքների բորբոքումով, մետրիտով (սեռական որգանների հիվանդութիւն) հիվանդացող և բացիլ կրող կովերից՝ անհրաժեշտ ե ընդհանուր հորթանոցները մեկուսացնել վերջիններս գոմերից փոշ պակաս, քան 100 մետր հեռու պետք ե լինեն։ Հորթանոցները պետք ե լինեն յերկու տիպի՝ հորթանոց-պրոֆիլակտորիա՝ մինչև 10—15 տարեկան հասակ ունեցող հորթերի համար, և ընդհանուր հորթանոց՝ մնացած ռովելի հասակավոր հորթերի համար։ Հիվանդ հորթերի համար պետք ե կազմակերպել մեկուսարան։

3. Շենքի լույսը պետք ե լինի 1:10—12 հարաբերութեամբ։ Բոլոր շենքերը պետք ե ապահովված լինեն հատուկ ողափոխիչ (վնտիլացիա) հարմարութիւններով։

4. Հորթանոցում ջերմաստիճանը պետք ե

պահել 12⁰ Ց. փոշ ցածր, առանց տատանումների։

5. Ծննդաբերական բաժինը և հորթանոցը (պրոֆիլակտորիան) նոր կառուցելու զեպքում պետք ե գտնվեն մեկ ծածկի տակ, բայց միմյանցից բաժանված լինեն տաք միջանցքով։

6. Հորթանոցի մուտքի առջև պետք ե կազմակերպել մի ոժանդակ սենյակ՝ կաթ և ջուր տաքացնելու համար. այդ սենյակը պետք ե ունենա առանձին բաժին՝ զեղարկղի և հորթանոցն սպասարկող անձնակազմի արտահոստի համար։

7. Հղի կովերի համար պետք ե սահմանել հատուկ ուշադիր հսկողութիւն։ Անհրաժեշտ ե խստորեն հետևել, փոր կովերին չծեծեն, վոր նրանք մեկը մյուսին չեղջրահարեն, իրար հարուշտան։

Արոտային շրջանում պետք ե խուսափել հոգնեցնող տեղափոխութիւններից, առանձնապէս խիստ վերելք ունեցող և թեք տեղերում։

Հարկավոր ե նույնպէս խուսափել հղի կովերին (վերջին 2—3 ամսում) ճահճային տեղերում արածացնելուց։

8. Անհրաժեշտ ե հղի կովերին ամեն որ դուրս բերել մանածելու, բացառութեամբ ուժեղ քամոտ, անձրևային և խիստ ցուրտ օրերի։ Գետինը սառցով ծածկված լինելու զեպքում հղի կովերը մանածելու չպետք ե հանել։

Չմեռ, կովերի հղիության վերջին 60—90 օրվա ընթացքում, նրանց չի կարելի ջրելու տանել առվի կամ ջրհորի մոտ, այլ պետք է ջրել ներսում՝ մաքուր ջրով, վորի ջերմաստիճանը 10° Ց. պակաս չպետք է լինի:

9. Հղի կովերը ծնելուց 10 օր առաջ պետք է փոխադրվեն ծննդաբերական բաժին, վորը պետք է հատկապես այդ նպատակի համար կահավորված լինի: Շենքը պետք է լինի լուսավոր, չոր և մաքուր: Այնտեղ, վորտեղ ծննդաբերական բաժին չկա, գոմի մի առանձին անկյունը, կամ մի մասը պետք է հատկացնել ծննդաբերության համար:

Ծանոթություն.— Ժամանակից առաջ ծննդի նշաններ (վիժում) ցույց տվող կովերը պետք է փոխադրվեն մեկուսարան:

10. Այն շենքերում, վորտեղ գտնվում են հղի կովեր, պետք է սահմանել սանիտարների կամ անասնապահների ցերեկային և գիշերային հերթապահություն:

11. Ծննդաբերական բաժնում գտնվող կովերը պետք է ապահովված լինեն թարմ, չոր և հավասարապես փռած ցամքարով: Փռած, բորբոսնած, խոնավ և կեղտոտ ցամքարը հղի կովերի համար անպետք է:

12. Հղի կովերը պետք է կերակրել լավորակ կերով և բավարար քանակությամբ՝ միջինից վոչ պակաս գիրություն մեջ պահելու համար:

13. Հղի կովերը ծնելուց 40—60 օր առաջ պետք է այլևս չկթվեն—ցամքեցվեն:

Ցամքեցնելու տևողությունը, ջահել և վատ գիրացած անասունների համար, 2 տափեց պակաս չպետք է լինի:

14. Հղի կովերին, հղիության յերկրորդ կեսում (վերջին 120 օրը) կենսապահ կերից բացի, պետք է տալ որակյա 0,8—1,2 կլգ. ուժեղ կեր: Իսկ ջահել կովերին պետք է ավելացնել կրկնակի չափով: Ուժեղ կերի բացակայության դեպքում հղի կովերին տրվող լրացուցիչ կերը կարելի չէ ապահովել կովին տրվող խոտի նորմայի ավելացմամբ: 300 կիլոգրամ միջին քաշ ունեցող կովին անհրաժեշտ է յուրաքանչյուր օր, հիշյալ շրջանում, տալ 10—12 կիլոգրամից վոչ պակաս միջին վորակի խոտ: Չի կարելի հղի, թեկուզ չկթվող, կովերին միայն ծղոտով (հարդով) կերակրել:

15. Ցամքեցնելուց հետո հղի կովերին տրվող հյութալի կերի նորման կարելի չէ կրճատել կիսով չափ: Ծնելուց 10—14 օր առաջ կովին տրվելիք արմատապտուղների քանակը պետք է կրճատել մինչև 10 կլգ. մեկ օրվա ընթացքում, իսկ սիրտը, ինչպես և թթու կերը (ժոմ, բարդա և այլն) կերարժանից պետք է հանվեն ամբողջովին: Հղիության վերջին օրերի ընթացքում անհրաժեշտ է հետևել, վոր կովերի կուրծքը չհի-

վանդանա, և յեթե նկատվում ե կրծի ուռուցք, վորն սպառնում ե բորբոքում առաջ բերել, ապա պետք ե հյուլթալի կերերն ամբողջապես հանվեն հղի կովերին տրվելիք կերարաժնից: Այդ դեպքում սիլոսը և այլ հյուլթալի ու թթու կերերը պետք ե համապատասխան նորմաներով փոխարինել լավորակ խոտով և խոտացրած կերով:

Հղի կովերին յերբեք չի կարելի տալ բորբոքանած, սառած և տաք կեր, տաքացած կանաչ խոտ, մեծ քանակով արմատապտուղների տերևներ և ծլած գետնախնձոր:

16. Հղի կովի կերաբաժնում անհրաժեշտ ե ավելացնել որակաւ 100 գրամ հանքային աղ, վորը կազմված լինի հավասար չափով վերցրած սեղանի աղի, աղացած կավճի, ֆոսֆորաթթվային կրի կամ վոսկրային ալյուրի խառնուրդից: Հանքային աղերը տրվում են մյուս կերերի հետ խառն:

2. ՍԱՆԻՏԱՐԱՊՐՈՖԻԼԱԿՏԻԿ ՄԻՋՈՑԱՌՈՒՄՆԵՐԸ

17. Մինչև ծննդաբերության շրջանի սկիզբը ծննդաբերական բաժինները և հորթանոցները պետք ե խնամքով մաքրվեն և ախտահանվեն թարմ, հանգած կրի 20% -ային լուծույթով:

18. Ծննդուց առաջ կովի յետքը պետք ե լվանալ լիցոլի $2-3\%$ -ային լուծույթով, պոչը կապել և զրսի կողմից խնամքով հակառնել սեռա-

կան որդանները—կալիումի մանգանատի 1:1000 լուծույթով, կամ ուրիշ՝ չգրգռող ախտահանիչ նյութերով: Ծննդից առաջ դոմի հատակը պետք ե մաքուր լվանալ, ախտահանել և կովի տակը փռել առատ, մաքուր և փափուկ ցամքար:

19. Հորթն ընդունելուց առաջ ձեռքերը պետք ե լվանալ, մաքրել և դեզինֆեկցիայի յենթարկել, իսկ հորթը՝ ընդունել մաքուր, չոր և փափուկ ցամքարի վրա: Հորթի պորտալարի, վոր հաճախ ինքնիրեն ե կտրվում, ծայրը հարկավոր ե անմիջապես թաթախել չլուծված կրեոլինով կամ յոդով լիքը բաժակի մեջ, առանց կապելու ախ: Յեթե պորտալարն ինքնիրեն չի կտրվում, այդ դեպքում թուլատրվում ե այն կտրել մաքուր, հականելված մկրատով, փորատակից 5—8 սմ. հեռավորությամբ, վորից հետո պորտալարի ազատ ծայրը զրվում ե կրեոլինով կամ յոդով լիքը բաժակի մեջ:

Ծանոթություն. — Պորտալարը թուլատրվում ե կապել միայն անասնաբուժական անձնակազմին, կամ այդ նպատակով առանձնապես պատրաստված անասնաբուժական սանիտարներին:

20. Նորածին հորթին պետք ե ցամաքեցնել մաքուր, փափուկ սրբիչով: Հորթի բերանը, քթի խողոցներն ու ականջները պետք ե մաքրել բորաթթվի (կարբոկա) մեջ թրջած, մաքուր թան-

գիֆոյի, և անմիջապէս տանել հորթանոց — պրոֆիլակտորիա:

21. Ծնելուց հետո կովը պետք է ջրել, տալով նրան կես դուլլ գոլ ջուր, և 3—4 ժամից հետո կերակրել լավորակ խոտով: Նորածին կովին վոչ մի դեպքում չի կարելի տանել առվի կամ ջրհորի մոտ ջրելու, այլ նրան պետք է ջրել ներսում և այնպիսի ջրով, վորի ջերմաստիճանը համասար լինի ծննդաբերական բաժնի ջերմաստիճանին: Կովը ծննդաբերական բաժնից ընդհանուր գոմը կարելի չէ փոխադրել միայն սեռական անցքերը լիովին մաքրվելուց հետո:

22. Հորթանոց — պրոֆիլակտորիայում վարակի տարածվելը կանխելու նպատակով, պետք է արգելել կողմնակի մարդկանց մուտքը, իսկ սպասարկող անձնակազմը պրոֆիլակտորիա մտնելուց առաջ պետք է հագնի մաքուր գոգնոց, ձեռները լվանա հականերխիչ լուծույթով և կանգնելով հականերխիչ լուծույթով լցված տաշտակի մեջ, հականերխման յենթարկի վոտնամանները, հակառակ դեպքում պետք է հագնի հատուկ վոտնամաններ:

23. Պրոֆիլակտորիայում յուրաքանչյուր հորթ գաստիարակվում է անհատորեն՝ առանձին վանդակում կամ եվերսի արկղերում: Վանդակների միջև պետք է լինեն համատարած պատեր, իսկ դեպի միջանցք դարձած վանդակի պատերը պետք է ունենան ցանցեր՝ թարմ ոգ անցնելու համար:

10—15 որյա հասակ ունեցող հորթերի համար հարկավոր է պատրաստել և հագցնել հատուկ դիչկալներ (լավ ե՛ ուռնուց գործածը), վորոնք պետք է հանել միայն կերակրելու ժամանակ: Պրոֆիլակտորիայում յուրաքանչյուր հորթի համար պետք է դնել առանձին դուլլ:

24. Պրոֆիլակտորիան (անհատական վանդակները և եվերսի արկղերը) պետք է ախտահանել տաան որը մեկ անգամ: Գոգնոցները, սրբքիչները և այլն պարտադիր կարգով պետք է հականերխել յեռացրած տաք ջրով, իսկ դուլլերը պետք է յեռացնել սոդայի 1⁰/₀-ային լուծույթի մեջ կամ լվանալ այդ տաք լուծույթով: Հորթանոցի մուտքի առաջ պետք է դրվեն բորաթթվի կամ կրիոլինի 3⁰/₀ լուծույթով լիքը տաշտեր՝ վոտնամաններն ախտահանելու համար:

25. Հորթի տակ պետք է միշտ փռած լինի լավորակ ծղոտի չոր ցամբար, վորը պետք է փոխել որական վոչ պակաս մեկ անգամ:

26. Կովի կաթի միջոցով վարակի տարածվելը կանխելու նպատակով, կթելուց առաջ, պետք է լավ լվանալ և մաքուր սրբիչով շփել, չորացնել կուրծք: Կաթի առաջին 2—3 շիթերը պետք է կթել հատուկ ամանի մեջ, վորն արգելվում է հորթերին խմեցնել:

27. Կովերը կթելուց և հորթերին կերակրելուց առաջ ձեռքերը պետք է մաքուր լվանալ:

Կաթը խմելուց հետո անհրաժեշտ է մաքրել հորթերի դուռնը՝ հատկապես այդ նպատակի համար պահվող սրբիչներով (յուրաքանչյուր հորթի համար պետք է ունենալ առանձին սրբիչ): Հորթերին կաթ խմեցնող բանվորների հագուստը պետք է մաքուր լինի:

28. Յուրաքանչյուր հորթ պետք է պրոֆիլակտորիայում մնա 10—15 օր և այդ ժամանակամիջոցում կերակրվի իր մօր կաթով:

29. Նորածին հորթին—ծնվելուց 2—3 ժամ հետո—պետք է խմեցնել նոր կթած դալ (38 Ց. ջերմությամբ): Հետագայում հորթերը դալով կերակրվում են օրական 4—5 անգամ, հավասար ժամանակամիջոցներով: Տասօրական հասակից հորթերին պետք է աստիճանաբար սովորեցնել օրական յերեք անգամ կերակրվելու: Կաթ խրմելու ժամանակ հորթին թույլ չպետք է տալ, վոր ամբողջ կաթը միանգամից կլանի. անհրաժեշտ է խմելու ժամանակ 3—4 անգամ ընդհատել, յուրաքանչյուր ընդհատման ժամանակ տալով նրան գոնե մեկ րոպե հանգիստ: Հորթերին պետք է խմեցնել թաքմ և մաքուր կաթ. թթված ու կեղտոտված կաթ խմեցնելն արգելվում է:

30. Յերբ պակասեցվում է հորթերի կաթի նորման (մոտավորապես 20 օրյա հասակից), այդ ժամանակ նրանց կարելի չէ տալ մաքուր և քիչ տաքացրած ջուր: Զուրը պետք է տալ կաթից

և խտացրած կերից առանձին, ուժեղ կեր տալուց մի ժամ հետո:

31. Պրոֆիլակտորիայում հիվանդություններ առաջանալու դեպքում, հազացող, լուծ ունեցող, պառկող, կերից հրաժարվող հորթերը, յերբ տաքությունը 40⁰-3. բարձր է, իսկույն պետք է փոխադրել մեկուսարան, իսկ վանդակները (շարժական) և Եվեթսի արկղերը պետք է մաքուր ատհանել, յեռացնել, լվանալ ու չորացնել, դրսում բացօթյա:

32. Պրոֆիլակտորիայում վարակիչ հիվանդության հայտաբերման դեպքում, այնտեղ հետագայում չի թույլատրվում նորածին հորթեր փոխադրել:

33. Յերկաբաթյա հասակի հասնելուց հետո, հորթերը պրոֆիլակտորիայից պետք է փոխադրել այն ընդհանուր հորթանոցները, վորոնք հատկապես հարմարեցված են մեծահասակ (մինչև 5—6 ամսական) հորթերի համար: Հորթանոցներում հորթերը պահվում են առանձին-առանձին վանդակներում մինչև 1 ամիս: Մի ամսից բարձր, 1¹/₂ ամսականները պահվում են խմբերով, բայց մեկ արկղում չորս հատից վոչ ավելի: Հորթերը խմբավորվում են ըստ հասակի և, մոտավորապես ըստ կենդանի քաշի:

34. Հորթանոցներում պետք է պահպանվի մշտական մաքրություն, վորի համար անհրաժեշտ է.

ա) Թրիքն ու կեղտոտված ցամքարը դուրս տանել որը 2 անգամ.

բ) ձանձնավոր լվանալ վանդակների կեղտոտված պատերը, աղբաջրատար առվակները մաքրել կեղտից և լվանալ.

գ) պարբերաբար սպիտակացնել հորթանոցի վանդակները, առնվազն տասն որը մեկ անգամ.

դ) հորթերին ամեն որ պետք է մաքրել խոզանակով և մարմնի կեղտոտված մասերը լվանալ տաք ջրով, վորից հետո անպայման շփել մինչև հորանալը:

35. Ամառը, վորքան հնարավոր է, հորթերը քաց սղում շատ պետք է պահել: Նրանց մանածելու համար հարկավոր է պատրաստել հատուկ փարախներ և արոտատեղեր: Չմեռ ժամանակ հորթերին տասորական հասակից պետք է անպայման մանածել լայն, ազատ փարախում: Հորթերին պետք է մանածել սովորեցնել սուտիճանաբար, սկսած 15 րոպեյից՝ հասցնելով մինչև 2 ժամ (որական):

10⁰ Յ. ցրտի, վատ յեղանակի և քամիների ժամանակ հորթերին չի կարելի դուրս բերել մանածելու: Պետք է հետեւել, վոր մանածելու դուրս բերելիս հորթերը մեկ տեղ չկանգնեն, այլ ամբողջ ժամանակ շարժման մեջ լինեն:

36. Հորթանոցում հիվանդություններ առաջանալու դեպքում, անհրաժեշտ է ամենից առաջ

հիվանդ հորթերին առանձնացնել առողջներից և տեղափոխել մեկուսարան, վորը պետք է նախորոք լավ մաքրված և հիմնովին ախտահանված լինի: Հիվանդ անասունները մեկուսարան տեղափոխելուց հետո, անհրաժեշտ է վարակված տեղը լավ մաքրել, ախտահանել և պատերը կրով սպիտակացնել:

37. Հորթերի հիվանդության պատճառները հայտաբերելու համար (վորից կախում ունի և առաջացած վարակիչ հիվանդության արագ վերացումը), հորթերի հիվանդացման (կամ անկման) բոլոր դեպքերը պետք է արագ և ճիշտ կերպով ախտորոշվեն (դիագնոստիկա): Տնտեսության վարչությունը պարտավոր է հորթերի հիվանդացման բոլոր դեպքերի մասին իր ժամանակին հայտնել տնտեսությունն սպասարկող անասաբուժական անձնակազմին և շրջհողբաժնին:

38. Հորթերի հիվանդությունների վերացման համար, անասնաբուժը կամ անասնաբուժակը պետք է ստուգի տնտեսության մեջ, ինչպես հորթերի, այնպես էլ նրանց մայր-կովերի խնամքը, պահպանումը, ճիշտ կերակրումը (ծծելուց առաջ), ինչպես նաև հետևի շենքերի լավ մաքրելուն ու ախտահանմանը: Նա պետք է սահմանի տեղական պայմաններին, տարվա յեղանակին համապատասխան անասնաբուժական - սանիտարական ռեժիմ և հետևի նրա կատարմանը:

39. Հորթերի անկման և հիվանդութեան պատճառների շուտափութ ճշտորոշման նպատակով, ամեն մի սատկած հորթից պետք է նյութ (զանազան օրգաններից) ուղարկել մանրեաբանական լաբորատորիա՝ հետազոտութեան համար:

40. Մանրեաբանական հետազոտութեան կատարելու համար հարկավոր է լաբորատորիա ուղարկել կամ հորթի ամբողջ գիակը (լաբորատորիայի մոտիկութեան դեպքում մարդու միջոցով) կամ ներքին օրգանները՝ սիրտը, թոքերը չփափած լեղապարկով լյարդը, փայծաղը, վոսկորը, մեզենտերյալ գեղձերը, և այլն:

Նյութի ուղարկման դեպքում պարտադիր կերպով կցվում է կլինիկական նշանների մանրամաս նկարագիրը և հիվանդութեան ընթացքը, ինչպես նաև ցույց է տրվում հորթի համարը, անունը, հասակը, պատկանելիութունը, և այլն:

41. Հորթերն ուժեղ փորլուծով ծանր հիվանդանալու դեպքում, հանձնարարվում է կիսով չափ կրճատել տրվող կաթի նորման, կամ այն փոխարինել դալով: Բացի այդ, ամեն ուր տալ յերիցուկի խաշուկ (ատվար), վարսակի կամ կտավհատի սերմ (1:20 ջուր), գերչակի ձեթ (մեկ անգամ) և կլիզմա դնել:

42. Վորպես դիետային սնունդ և բուժման միջոց հանրաճանարարվում է զարու խաշուկ, զարու կամ վարսակի խյուս (կաշ), տուխտի արմատից

պատրաստած խաշուկ. ընդ վորում այդ միջոցները տրվում են ինքնատիկայան, կամ ըստ անասաբուժի ցուցումի, նրանց վրա ավելացնելով ափրոնի լուծույթ, տանին, տանոֆորմ և տանալին: Բացի այդ, ոգտակար կլինի կերին ավելացնել կավիճ կամ ածխաթթվային մազնեզիում: Կարելի չէ ոգտվել (ըստ անասաբուժի ցուցումի) զանազան ախտահանիչ միջոցներով, ինչպես որինակ, տանինի հետ խառնած սալինցիլյան նատրով, տանոֆորմով, կսերոֆորմով, նափտալինով և այլն:

43. Հանձնարարվում է նաև կատարել հիվանդ հորթերի շփում սպիրտային լուծույթներով և փորը փաթաթել տաք, փափուկ շորով: Ընդհանուր թուլութեան դեպքում հանձնարարվում է կաշվի տակ սրսկել կաֆեյին կամ քաֆուրի յուղ (անասաբուժի կամ անասաբուժակի միջոցով):

44. Տնտեսութեան մեջ պարատիֆ կամ սպիտակ փորլուծ հիվանդութեաններ հայտաբերելու դեպքում պետք է ոգտագործել շիճուկ (պարատիֆի և սպիտակ փորլուծի դեմ) և գործածել ֆորմոլվակիցինա (պարատիֆի դեմ):

45. Սատկած հորթերի դիակներն անմիջապես հեռացնել հորթանոցից և թաղել միմիայն անասնադերեզմանոցում, վոչ պակաս յերկու մետր խորութեամբ:

Սատկած հորթերին դիահատել կամ նրանց

կաշին մաշկել զարելի յե միայն անասնագերեզ-
մանոցում, ընդ վորում կաշին մաշկելուց հետո
պետք ե անպայման ախտահանել:

46. Վարակված հորթանոցները լավ մաքրե-
լուց հետո պետք ե ախտահանել: Թրիքը, ցամ-
քարը և կերի մնացորդները պետք ե հեռացնել
շենքից և տանել գոմաղբանոց (Новозохрани-
лище), վորտեղ առնվազն յերկու ամսվա ընթաց-
քում պետք ե յենթարկել ինքնայրման: Խիստ
հիվանդ հորթերի թրիքն ու ցամքարը պետք ե
այրել:

Փայտե վանդակները, արկղերը, մսուրները
և այլ գործիքները պետք ե լավ մաքրել, ախտա-
հանել և լվանալ սողայի յեռացրած լուծույթով
կամ մոխրաջրով:

ՍԽՀՄ Հողօգոգիմատի անասնաբուժական

գլխավոր վարչության պետ՝ Գինգբուրգ

Անասնաբուժական գլխ. վարչության խոշոր
յեղջ. անասունների բաժնի պետ՝ Պոդվոյսկի

Թա. գմ. Ս. Կարապետյան

Սրբազրիչ՝ Դար. Հակոբյան

Գլավիտի լիազոր № Գ-56

Հրատ. № 175

պատվեր № 114

տիրաժ 1000

Հանձնված ե արտադրության 1935 թ. փետրվարի 13-ին
Ստորագրված ե տպագրելու 1935 թ. փետրվարի 16-ին

ՅԵՐԵՎԱՆ

ԳՅՈՒՂՈՒՄԻ ՏՊԱՐԱՆ

ՆԱԼԲԱՆԴՅԱՆ 50

ՀՀ Ազգային գրադարան



NL0289240



Инструкция по борьбе с болезнями телят
(Утверждена Зап Наркома Земледелия СССР Цыганов 7 X -34г.)

Сельхозгиз

1935

Эрипань

8495